

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE
(po zahtjevu privrednog subjekta Comsar Energy Limited, Nikozija, Kipar)

Sarajevo,
juli, 2009. godine



Broj: 01-26-7-09- 3 -I/11
Sarajevo, 16. jula 2011. godine

Na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu za davanje stručnog mišljenja privrednog subjekta Comsar Energy Limited, Agiou Prokopiou 13, Egkomi 2406, Nikozija, Kipar zastupanom po Siniši Majstorović, Ranka Šipke 52, 78000 Banja Luka, Konkurencijsko vijeće, na 16. (šesnaestoj) sjednici održanoj dana 06. jula 2011. godine, je donijelo

MIŠLJENJE

Privredni subjekt Comsar Energy Limited, Agiou Prokopiou 13, Egkomi, 2406, Nikozija, Kipar, zastupan po Siniši Majstorović, Ranka Šipke 52, 78000 Banja Luka (u daljem tekstu: Podnosilac zahtjeva ili Comsar Energy Limited), podnio je Konkurencijskom vijeću Zahtjev za davanje stručnog mišljenja (u daljem tekstu: Zahtjev), zaprimljen dana 16. juna 2011. godine pod brojem: 01-26-7-09-I/11.

Privredni subjekt Comsar Energy Limited i privredni subjekt Mješoviti holding „Elektroprivreda Republike Srpske“ zavisno preduzeće Rudnik i Termoelektrana Ugljevik a.d. Ugljevik, Ugljevik bb, 76330 Ugljevik (u daljem tekstu: RiTE Ugljevik), na osnovu Pisma namjere potpisanog u Ženevi od 04. maja 2011. godine, namjeravaju uspostaviti saradnju na realizaciji projekta izgradnje termoenergetskih blokova Ugljevik 2. i 3., i u tu svrhu osnovati novi privredni subjekt Comsar Energy Republika Srpska, Vase Pelagića 6, 78000 Banja Luka (u daljem tekstu: CERS).

Privredni subjekt Comsar Energy Limited je registrovan u evidenciji Odjeljenja kompanija i prinudnog upravnika pri Ministarstvu za trgovinu, industriju i turizam, Nikozija, Kipar, pod brojem: HE274399 od dana 17. septembra 2010. godine, sa 90,0% vlasničkih udjela fizičkog lica (..)**¹ i 10,0 % vlasničkih udjela privrednog subjekta (..)**.

Prema navodima iz Zahtjeva, privredni subjekt Comsar Energy Limited i njegov većinski vlasnik (..)**nemaju povezanih društava u Bosni i Hercegovini, u smislu člana 2. stav (2) Zakona o konkurenciji, niti ostvaruju prihod na tržištu Bosne i Hercegovine.

Privredni subjekt RiTE Ugljevik je akcionarsko društvo sa 65,0% vlasničkih udjela privrednog subjekta Mješoviti holding „Elektroprivrede Republike Srpske“ a.d. Trebinje, dok preostalih 35,0% vlasničkih udjela imaju ostali mali dioničari iz Bosne i Hercegovine. Osnovna registrovana djelatnost privrednog subjekta RiTE Ugljevik je proizvodnja uglja za vlastite potrebe i proizvodnja električne energije. Ukupni godišnji prihod privrednog subjekta RiTE Ugljevik, na dan 31. decembar 2010. godine, iznosi ukupno (..)**KM (na tržištu Bosne i Hercegovine je ostvareno (..)**KM, a na svjetskom tržištu (..)**KM), te ima tržišni udio u proizvodnji električne energije na tržištu Bosne i Hercegovine oko 8,0% .

¹ (..)** podaci predstavljaju poslovnu tajnu

Prema navodima iz Zahtjeva novosnovani privredni subjekt CERS ima osnivački kapital u iznosu od (..)**KM, i to privredni subjekt Comsar Energy Limited ulaže (..)**KM i ima 90,0% vlasničkih udjela, a privredni subjekt RiTE Ugljeverik ulaže (..)**KM i ima 10,0% vlasničkih udjela. Osnovna registrovana djelatnost privrednog subjekta CERS je proizvodnja, snabdijevanje i trgovina električnom energijom, vađenje lignita (mrkog uglja) i pomoćne djelatnosti za vađenje ruda i kamena i slično.

U skladu sa navedenim podacima, Podnosilac zahtjeva traži mišljenje od Konkurencijskog vijeća, da li je u obavezi podnijeti prijavu koncentracije, u smislu čl. 12. i 14. Zakona o konkurenciji.

Članom 12. stav (1) Zakona o konkurenciji je propisano šta se smatra pod pojmom koncentracije, u smislu zajedničkog ulaganja na dugoročnoj osnovi više nezavisnih privrednih subjekta u novi nezavisni privredni subjekt.

Također, obaveza prijave koncentracije privrednih subjekta postoji ukoliko su ispunjeni kumulativni uslovi iz člana 14. stav (1) tačke a) i b) Zakona, tj. ukoliko ukupni godišnji prihod svih učesnika koncentracije ostvaren prodajom roba i/ili usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji i ukoliko ukupni godišnji prihodi svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40,0%.

Na osnovu dostavljenih podataka Konkurencijsko vijeće smatra da navedeni privredni subjekti ne ispunjavaju uslov ostvarenog godišnjeg prihoda na tržištu Bosne i Hercegovine prodajom roba i /ili usluga u 2010. godini, kao ni uslov tržišnog udjela na relevantnom tržištu, u smislu člana 14. stav 1) tačka b) Zakona o konkurenciji, te ne postoji obaveza prijave koncentracije.

Ovo mišljenje je dato isključivo na osnovu podataka iz Zahtjeva, te ukoliko ovi podaci odstupaju od stvarnog činjeničnog stanja ovo mišljenje se ne može primijeniti.

Predsjednik

dr. Stjepo Pranjić